

Pour laisser nostre nef et mast
Et nostre importable discoit
Après seray de vostre accord
Et faculte ie vous le mande
A mal fait il n'ya que amende

Et si aucuns folz derridans
Sont de noz petiz ieuly escriptz
Et si leur gueulle vont bridans
De noz vaffres et font des ritz
Disant que folz y sont compris
En tous lieux amont & a val
Le test nest pas le principal

Ains se voulez noyau puser
Pour en recouirer la liqueur
Il vous fault le test tout briser
Pour auoir bon noyau au cueur
Alors vous aurez grant rancueur
Et le noyau vous apmerez
En bon temps graine semerez

Ainsi vous baille l'exemplaire
Seigneurs sil vous plaist de le lire
Et ne vous vueille point desplaire
Mon liure versetz & satire
Mon desir et vouloit satire
A la tres precieuse gemme
Qui aime son dieu et son ame

Ainsi noz anciens ont faictes
Les doctrines et meurs morde nes
Qui furent les loyaulx poetes
En plusieurs beaulx ditz accordans
Qui iadis ez anciens ans
Corrigerent maintz mal & crimes
Cil qui nayme dieu dieu sopprime

De les suiuir fais les aprestz
De toute ma pensee liure
Combien que de science apres
Ne suis digne de porter le liure

Mon cueur nest pas digne de viure
Ne de leur science noter
Le chantre veult tousiours noter

Donc ie couuoite icy signer
Les folz regnans et maintes folles
Et leurs querisons assigner
De vertuz et sciences molles
Et de doctrine leuer escolles
Pour les faire a bien condescendre
Il est bien fol qui se va pendre

Jamais ie neuz aultre vouloit
Ainsi ne maist dieux aultrement
Que tousiours en mon cueur basoit
Et profiter entierement
Au ieune inuertueux qui ment
Et iamais ne sadresse a raison
Charite vault toute saison

Et affin que les amolisse
En mon liure icy ie fais
Folz, & que leur cueur de mal isse
Et de folie les actains
Par ce quilz voient soient sains
Et le grant dangier ou ilz vont
Mal fait estre en maison qui font

Pardonnez moy vous orateurs
Pardonnez moy vous clariffics
Et vous aultres les ornateurs
De rethorique deifics
Vous estes si tresbien confiz
En science et si hault honneur
Par vertuz son a tout bon eur

Et pardonnez moy si voz fais
Lesquelz sont diuins et haultains
Aucunement ie contrefais
Et voz articles souuerains
Et pardonnez a vers septains
Qui sont de moy ieune compris
Le sauent est digne de pris